

Վ Ե Ր Ժ Ե Ր Ե Ն

ՄԱՆԱԳԱՐԺԱԲԱՆ ԱՄՍՈՒԴԻՐ

ՍԱՐԵ

1883 Ս. ՏՈՐԻ

№ 8

ՄԱՆԱԳԱՐԺԱԲԱՆ ԲԱԺԻՆ

ԳՆԵԼՈՒՅ (ԱՌԱՋ. *)

Երբ որ դու սիրուն, նազելի մայրիկ առնի
Յիշերն անկողինդ ուղեւան մաների՝
Եւ քաղցր գգուանքով քո զթոռ մայրիկ
Մօտդ թեկն ընկած քեզ նանիկ երգէ.

Իսկ դուրսը սաստիկ ձիւն լինի բրգում,
Յուրս քամին փչում ու խառնվում քուք,
Բայց դու լոյս ու տաք քո ննջարանում
Քնելիս լինի խաղաղ ու անփոխ.

Յիշեր, սիրելի, որ շատ տեղերում
Կան սրբ երեխայք, ծնողներին գրկուած,

*) Семья и школа, 1879, № 3.

Միայնակ մնացած օտարի ձեռքում,
Զուներն մի ոքմին իրանց հարազատ:

Զուներն ննջարան քեզ պէս տաք ու լոյս
Եւ ոչ անկողին փափուկ ու մաքուր,
Զուներն գգուող մայր և բնաւ մի յոյս,
Զոր տախտակի վրայ պառկած են մթնում:

Յիշէր, որ դաշտում, մեզանից հեռու
Շարքով գնում են հազիւ շարժուելով
Բարձած սալերը, փող վաստակելու,
Լծած տաւարը սաստիկ տանջելով:

Եւ վրան նստած սառած սալապան
Անկարող անգամ ձեռքը շարժելու,
Այլ տեղն ընկած տեղը խեղճն իբրեւ անբան
Ուսերով օգնում սալին շարժ տալու:

Յիշէր դու որդեակ, այս թշուառներին,
Խոստացիր, ուխտիր քո սրտի միջում,
Որ չես մոռանալ կարօտեալներին,
Այլ երբ մեծանաս, նոցա կօգնես դու:

Կօգնես խղճալով, որքան կարող ես
Նոցա, որ խեղճ են և անօգնական,
Կօգնես միշտ գործքով, ամէն ջանք կանես
Մեղմացնել նոցա ցաւը դառնութեան:

Եւ միայն յետոյ, յետոյ, սիրելի,
Երբ այս խոստումը տաս դու Աստուծուն,
Աչքերդ խփիւր և հանդարտ ննջիր,
Քուռդ անոյշ լինի և խեղճդ արթուն:

Գ. Տ. Ա.

ՆՈՒԱԳԱՄՈՒ ԱՔԱՂԱՂԸ.

(Թարգմանութիւն Փրանսերէնից).

«Ինչպէս երգեցի,» հարցրեց աքաղաղն իւր սիրելի հաւերն:

— «Հիանալի» պատասխանեց հաւը:

— «Ես թառ կը լինեմ, շարունակեց աքաղաղը, և կը սկսեմ նորից երգել, որ բոլոր հաւնոցը լսի: Բոլորին ասէք, որ աւանջ դնեն:

Աքաղաղը թառ եղաւ, թռերը թափ տուեց, վիզն երկարացրեց և բարձրաձայն երգեց: Յետոյ, գոհ իւր անձից, գլուխը մի կողմի վրայ կախ գցած, նա աչքը գցեց իւր ներքեւը ցանկի առաջը հաւաքուած հաւերին: «Գեղեցիկ է» ասաց նրա սիրելի հաւը:

«Սքանչելի է» գոռաց սպիտակ հաւը, նորանից յետոյ թռիս հաւը, մոխրագոյն հաւը և յետոյ միւս բոլոր հաւերն ու փոքրիկ ճուտերից նոքա, որոնց կտուցները լիքը չէին կտուվ: Մի սարեկ սկսեց երգել:

«Լսում էք այս փոքրիկ պճնասերին» ասաց աքաղաղը, սեգ ճեմելով և անարգական կերպով նայելով փոքրիկ թռչնիկին, որ նուագում էր իւր ամենասիրուն երգը:

Բոլոր հաւերն արհամարհանքով կշկշացին: «Այ պստիկ, ասաց աքաղաղը սարեկին, դու շատ բարի ես, բայց երաժշտութիւնից ոչ մի ինչ չը գիտես: Լաւ կանես ինձ աւանջ դնես»:

Եւ նա նորից բարձրաձայն երգեց, քանի որ ժողովը ուժ կար: Հաւերը, մի ոտի վրայ թառած, գլուխները կախ գցած, աչքերը փակած, խելքամաղ եղած աւանջ էին դնում նրան:

Հէնց այդ ժամանակ բազմի շունը դուրս եկաւ իւր բնից, քնահարամ եղածի նման ճլմկոտալով:

«Հը, երգելս լսեցի՞ր» հարցրեց նորան հպարտութիւնից փքուած արքաղաղը:

— «Լսեցի: Ես շատ կը ցանկանայի իմանալ, թէ արդեօք ո՞ր Աստծու օրհնած էակ կարող է երգելդ չը լսել: Ոչ ցերեկն ես ձայնդ կտրում, ոչ գիշերը, և եթէ մէկ մէկ աչքերդ ու կողմերդ փակուած ես, ես ստիպուած եմ լինում արթուն մնալ քեզ աղուէսից պահպանելու համար»:

Արքաղաղն ապշած, կատարը թափ տուեց, իսկ հաւերը սկսեցին միմեանց ականջին փափալ: «Իմ հաւերին հարցրո՛ւ,» սուսաց բարկացած արքաղաղը:

— «Ի՞նչ. քո հաւերին: Թող, Աստուած սիրես, նոքա միմիայն. քո երգելն են լսել և եթէ, պատահմամբ, նոցանից մինը քեզ չի հնազանդում, չես թողնում որ կտին մօտենայ: Դու միայն իւրերին զարթեցնելու համար լաւ ես. թէ չէ կարողանաս մի իսկական արուեստագետի հիացնել, հուստալս չի գալիս: Դուռալն ու երգելն իրարից շատ հեռու բաներ են: Եթէ դու իմ ճանաչած սնապարծներից ամենապարծենկոտը չը լինէիր, չէիր յանդգնի սարեկին քննելու:

— «Երևում է քունը խանդարել եմ», ցած ձայնով սուսաց արքաղաղը հաւերին:

Հաւերի գլուխն անցած, նա դիմեց դէպի հաւաքունը: Այնտեղ թւերը թափ տուեց և նորից երգեց, բայց ոչ առաջուայ վստահութեամբ:

Հաւերն ամենեւին չէին համարձակում բարձրաձայն նկատողութիւն անել, բայց, ցած ձայնով, իրանց մէջ շատ անգամ ասում էին.

«Մեր արքաղաղն էլ շան բնի մօտ չի երգում: Մեր շունը նորա ինչ եղածը լաւ ասաց»:

Յետոյն ծաղիկ բուսալով, S. ՅՈՎՀԱՆՆԻՍԵԱՆ:

Ո՞Վ ՍՏԱՑԱԻ ՊԱՐԳԵԻՐ

(Գպրոցական կեանքից)

Հարցաքննութեան օրը մօտենում էր: Թ*** քաղաքի օրիորդաց դպրոցի աշակերտուհիները, որ մինչև այդ ժամանակ թոյլ էին պարապում, սկսեցին աւելի եռանդով պատրաստել իրանց դասերը, որ չը վշտացնեն իրանց ծնողներին:

Ուսումնարանի Հանդիսաւոր տարեգարձին նշանակուած էր երկրորդ դաստան Համար երկու պարգև. մինք՝ ամենագեղեցիկ նկարի, իսկ միւսը Հայկական ընտիր շարադրութեան Համար: Ուսումնարանում օրիորդները միայն պարգևների մասին էին խօսում:

«Ի՞նչ ես կարծում, Արուսեակ, ո՞վ կ'արժանանայ նկարի Համար նշանակած պարգևին, Հարցրեց Վարսենիկը իւր ընկերուհուց»:

Արուսեակն իսկոյն չը պատասխանեց, բայց նայելով իւր Հանդէպ նստած զանգրահեր օրիորդին, ասաց.

— Ես կարծում եմ, որ մեր դասատանը միայն երկուսը կ'արող են արժանանալ պարգևի. Հեղինէն և Վարդանույշը: Հեղինէն թէ և ընդունակ է, բայց Վարդանույշը նորանից աւելի աշխատասէր է, և այս պատճառաւ երկուսն էլ կ'արժանանան:

Թէև Արուսեակը կամաց էր խօսում, բայց Հեղինէն արդէն լսել էր բոլորը և ժպտալով ասաց իւր ընկերուհուն:

«Շնորհակալ եմ քեզանից, օրիորդ. Հաստատ Հաւատացած եմ, որ պարգևը ես կը ստանամ»:

— Ի զմէր ես այդպէս կ'արծում: Եւ ուղիղն ասած,

դու շատ ծուլ ես, և միշտ դասերդ այնպէս չես պատ-
րաստում, ինչպէս հարկն է, թէև դու քո ընդունա-
կութեամբ կարող էիր քո բոլոր ընկերուհիներէցդ գե-
րազանցել: Այդ պատճառաւ էլ, աւելացրեց Արուսեակը,
Վարդանոյշը կարող է քո վտանգաւոր հակառակորդը
լինել:

«Ի՞նչ ես զուր տեղը խօսում. Վարդանոյշը երբէք
չի կարող իմ հակառակորդը լինել. նա ո՛չ շնորհք ունի,
ո՛չ փառասիրութիւն: Մի՞ լսիր, է՛, Աստուած սիրես.
երէ՞դ մօրաքրոջս տուն գնալիս, տեսայ որ Վարդանոյշը
իրանց տան առաջ կանգնած, պատի վերայ կաւիճով
բաղէ եր նկարում» — իւր փոքրիկ եղբօրը զուարճացնե-
լու համար: Իսկ եղբայրը բերանը բաց նայում և հիւ-
նում էր քրոջ հրաշալի նկարի վերայ»:

— Ի՞նչ անենք, ասաց Արուսեակը. դորանից երե-
ւում է միայն նորա բարութիւնը, և այդ պատճառաւ
էլ նա արժանի է, որ մենք սիրենք և պատուենք նո-
րան: Ուրեմն, Հեղինէ, ես նախազգուշացնում եմ քեզ,
և եթէ ուզում ես անպատճառ պարգէն ստանալ, աշ-
խարհի և առաջուանից էլ աւելի շատ պապ թէ ո՛չ,
հաւատացնում եմ քեզ, որ երազումդ էլ չես տեսնի
պարգէն:

«Շատ մի խօսիր, ես դիտեմ թէ ի՞նչ եմ անում.
ես հաստատ համոզուած եմ որ պարգէն ինձ կընկնի»:

Վարսենիկն ու Արուսեակը տեսան, որ այլ ևս աւե-
լորդ է նորա հետ խօսել և լռեցին: Բայց Արուսեակի
կոսկածներն արդարացան: Հեղինէն հաւատացած լինե-
լով, որ ինքը իւր ընկերուհիներից գերազանց և բաւա-
րադէմ է, առաջուան պէս ծուլանում էր, և երբ հար-
ցաքննութեան ժամանակը մօտեցաւ, ձեռաց մի քանի
րոպէում նկարելով թղթի վերայ իւր առաջնորդած օրի-
նակից պատկերը, մի կողմը ձգեց: Իսկ Վարդանոյշը,
որը ընդհակառակն, մի համեստ և աշխատասէր օրիորդ
էր, բոլոր իւր ազատ ժամանակը դործ էր դնում,

որ իւր սիրած նկարը, որքան կարող է, գեղեցիկ լինի:

Վերջապէս վաղուց ցանկալի օրը հասաւ, երբ դպրացի հանգիստը տարեգարձը պիտի տօնուէր: Պատարագից յետոյ ծնողների խուռն բազմութեամբ լցուեց դպրոցի դահլիճը: Հեղինէն համոզուած էր, որ բոլոր ժողովուրդը նորան պիտի գովէր, իսկ նկարի համար նշանակած պարգևը կարծես թէ արդէն ձեռին ունէր բռնած: Նա նայնպէս ոչ ոքից չէր թաքցնում, թէ երկրորդ պարգևն էլ ինքը կը ստանայ: Երբ նա յայտնեց Արուսեակին իւր կարծիքը, վերջինս ժպտաց, որը դուր չ'եկաւ Հեղինէին և արհամարհանքով լեռ քաշուեցաւ: Բայց և այնպէս, այսքանը միայն պարզ էր, որ նա յաջող քննութիւն չէր տուել: Նորա ընկերուհիներից շատերը, որ նորանից շատ և շատ թոյլ էին, նորանից աւելի լաւ էին պատասխանում, այնպէս որ կարելի է Հեղինէն իւր կեանքում առաջին անգամն էր իրան ամօթահարուած զգում:

Հեղինէն շատ վշտացաւ, երբ տեսաւ որ հայկական շարադրութեան համար նշանակած պարգևը ոչ թէ ինքն ստացաւ, այլ Արուսեակը, որը Հեղինէի կարծիքով, հայրենից ոչինչ չը գիտէր:

«Կը սպասենք մինչև վերջը», մտածեց նա. «ընկերուհիներս կարող են ինձ գերազանցել բոլոր առարկաներում, բայց նկարչութեան մէջ՝ երբէք: Այն ժամանակ թող նոքա ինձ ծաղրեն»:

Այժմ ինքդ դատիր, ընթերցող, թէ ինչպէս ամօթահարուեցաւ և տխրեցաւ նա, երբ փառակազմ պատկերազարդ գիրքը ընծայեցին էլի ոչ թէ իրան, այլ օրիորդ Վարդանուշին, նորա հիանալի նկարած գեղեցիկ պատկերի համար:

Իսկ խեղճ Վարդանուշը, այդ համեստ և աշխատասէր օրիորդը, նայում էր պարգևին և իւր աչքերին չէր հաւատում...: Այդ օրը ամէնքը գովասանքով էին ար-

տասանում Վարդանյշի անունը, իսկ ծանօթները շնորհաւորում էին նորան....:

Այդ օրը Հեղինէն ստացաւ բաւականին դառն, բայց և այնպէս, շատ օգտակար դաս. և երկար ժամանակ նորա մտքից չէր դուրս գալիս այդ հանդէսը, որը ուրախութեան փոխանակ, տրտմութեամբ էր լցրել անհոգ օրիորդի սիրտը:

Անուհետեւ նա այլ ևս չէր ծուլանում, և յոյսը միայն իւր ընդունակութեանց վերայ չէր դնում և պարծենում, այլ աշխատում էր ջանասիրութեամբ զարգացնելու Աստուծոյ տուած շնորհքը:

Եթէ ընթերցող, երբ և իցէ պատահես Հեղինէին, նա կը պատմէ քեզ, թէ ինչ զգաց նա, երբ իմացաւ, թէ ո՞վ ստացաւ պարգևը:

Փոխադրեց Գ. ՇԱՀՐՈՒԴԱՂԵԱՆ.

ՃՇՄԱՐՏԱՍԷՐ ՄԱՆՈՒԿ *)

Տիգրանին որ տեսաւ նորա ոտաբոբիկ փոքր եղբայր Աշոտը, ուրախ ուրախ մօտեցաւ նորան և սկսեց հարց ու փորձ անել:

— Դուք էլ ժամանակ էք գտել դատարկ խօսելու, ընդհատեց նոցա խօսակցութիւնը մայրը: Հազիւ որ մի եկար. վաղուց ես քեզ սպասում էի: Ահա քույրդ կաթն է խնդրում և գնացող չը կար: Հռիփսիմէն շտապում է կարը վերջացնել, իսկ Աշոտը բոբիկ է: Վաղիր շուտով բազարը և մեր ծանօթ խանութպանից վեր առ մի հինգ

*) Տէս «Վարժարանի» Մանկական լրագին № 7.

կոպէկի կաթը. սոսն թէ «Հայրս ստացած Տ ուղբիւանոց, իսկ մայրս չուղարկեց, վախենալով որ ես չը կորցնեմ ճանապարհին. մայրս յետոյ կը բերէ փողը»:

— Յետոյ Հայրս իրաւ ստացել է փողը. հարցրուց Տիգրանը:

— Եթէ ստացած լինէր, էլ ո՞ր էինք այսպիսի ցուրտ սենեակում նստում, կրակ կանէինք:

— Ուրեմն, մայրիկ, ես նրան պիտի սուտ ասեմ. ատոց Տիգրանը: Զէ, ես այդպէս չեմ ասի, այլ թէ կամենում էք այնպէս կը խնդրեմ որ տաք:

— Ի՞նչ կը տայ, ողորմելի, նա այնպէս մարդ է որ ձրի ամէն: Անցեալ օրը չէր որ թէյի համար գնացիր ու չը տուեց: Գնա՛, ասում եմ և ինչպէս սովորեցրին:

— Ո՛հ, մայրիկ, ես այդ չեմ կարող, վճռողայպէս պատասխանեց Տիգրանը, չեմ գնալ սուտ խօսելու:

— Տիգրան ջան, ես քայքայեմ եմ, ուտել եմ ու գում, գնա՛ հոգիս, մի փոքր կաթը բեր ինձ համար, աղերսալի ձայնով աղաչում էր. անկողնում պառկած փոքրիկ աղջիկը:

— Ուրդի՛, մեղք է երեսան, գնա՛ բեր կաթը, ասում էր մայրը: Գողութեան հօմ չեմ ուղարկում: Կարելի է, Աստուած տայ, Հայրդ իրաւ փող բերէ և մենք կը վճարենք խանութպանին:

— Զէ, չեմ գնալ, գոչեց մանուկը և նստեց աթոռի վերայ:

— Մայրիկ, նոր ոյժ ստացած դարձաւ հիւանդ աղջիկը դէպի իւր մայրը, տեսնում էք՝ որ դա սատկանայի ձիու վերայ է նստել, ինձ չէ խնայում. ուղարկեցէք գոնեա Աշոտին, նա թող հագնի Տիգրանի ոտնամանը և գնայ:

Մայրը հաւանեց այդ միտքը և Աշոտին հագցնելով Տիգրանի կօշիկները ուղարկեց քաղաքը:

Հինգ ըսպէից յետոյ Աշոտը ուրախ ուրախ բերեց տուն մի ձեռքով կաթը և մի ձեռքով հաց:

Հիւանդ երեխան ագահութեամբ վրայ ընկաւ կտրիկինն և մեծ բաւականութեամբ կերուաւ հացով։

— Գիտե՞ս մայրիկ, պատմում եմ։ Աշոտը, երբ որ ես խանութպանին ասացի թէ հայրս 5 ուղբի է բերել, նա չը հաւատաց։ Ես նրան հաւատացնելու համար երդուեցի։ Նա թէ՛ հապա ինչո՞ւ մայրդ չեկաւ և ուրիշ ապրանք էլ չէ տանում։ Ես ասացի թէ՛ հիւանդին չուղեց միայնակ թողնել և չէր էլ հարկաւոր դալ քեզ մօտ, որովհետեւ հայրն ամէն բան բերեց հետը և թէյ, շաքար, միս և հաց։ Եւ մայրս մայրժամ մեզ համար ճաշ է պատրաստում։

Մայրը ուշադրութիւն չէր դարձնում այս խօսքերին, իսկ Հռիփսիմէն ու Տիգրանը լաւ իմացան Աշոտի պատմածը։

— Իսկ ես սովորել, Աշոտ, սովորել փչել, վանդի մանելով ասաց Հռիփսիմէն։

Ինչ Տիգրանը մտածում էր որ ինքն էր մասնաժողովի Աշոտի աստիճանութեան պատճառը։ Եթէ ինքը գնար, գուցէ առանց սուտ ասելու էլ զբերէր կտրիկ Այս մտածմունքը տանջում էր նրան։

— Այս ինչեր էք դարսել այստեղ, անպիտաններ, դրսից եկաւ յանկարծ հարբած հօր անդադակի ձայնը։

Լսվում էր որ մէկը այս կողմ այն կողմ ընկնելով, դիպչում էր նախասենեակում դարսած իրերին։

— Բաց արէք դուռը, չէք իմանում, որ ես եմ։

Հենց որ Աշոտը բաց արաւ դուռը, մտաւ ներս մի 50 տարեկան մարդ, մօրուքը խճճուած, կարմրաքիթ։ Հազուադէպ պատահուած, զգզուած և կօշիկները մաշուած, հարբած հօրը տեսնելով, հիւանդ աղջիկը ծածկեց երեսը վերմակով, իսկ Աշոտը թաք կացաւ Հռիփսիմէի յետևից։

— Ա՛յ մարդ, դու՛ Աստուծոյ էլ չես վախենում, գոչեց կինը։ Ելի՛ հարբել ես և ի՞նչ եղծալիս քեզ փողեր ալդ անիծուած խմիչքի համար։

— Փողեր. . . ես այժմ շատ փող ունիմ. . . շատ, շատ . . .

Հայրը թեք ընկաւ աթոռի վերայ և քունը տարաւ. այդ միջոցին ձեռքի բռնուած մինչև այն ժամանակ ամուրի հուսկ տուած փողը վայր թափուեց՝ մի երեք ռուբլի-անոց և մի քանի սպիտակ փող:

— Աորդ որ փող է բերել, զարմանքով ասաց կինը և վեր քաղեց գետնից:

— Երեք ռուբլիանոց և չորս հատ 20 կոպէկանոց և երկու 15 կոպէկանոց, ասաց կինը խնդալով. կը տանեմ իսկոյն 1 ռուբլին կը տամ տանտիրոջը, խանութպանին կը վճարեմ 1 ռուբլի և փոքր ինչ ուտելիք կառնեմ:

— Բայց չէ՞ որ կը վարժի, ասաց Հռիփսիմէն և կը սկսանջէ իւր փողերը և եթէ չը գտնէ, անցնալ օրուան պէս կը ծեծէ ձեզ:

— Ո՛չ: Ես մանր փողերը կը դնեմ նորոտ առաջ և կասեմ, որ սորանից աւելի չես բերել, երեւի փողոցումն ես կ'որցրել: Հարբած է, մոռացած կը լինի: Իմացաք ուրեմն երեսայք, հայրը որ վարժի և փողերը հարցնէ, կասէք՝ ոչինչ չը գիտենք և չենք տեսել, միայն այս սպիտակ փողը բերիր:

Ուրախութիւնից էլ չը կար կինը, որովհետեւ կարող էր այն փողերով այժմ տաքացնել սենեակը և կերակրել երեսանց: Կարծես նոր կեանք ստացաւ նա և արագ արագ գլխին ծածկոցը գցելով զնաց բազարը:

Եւ մի փոքր ժամանակից լետոյ վառարանը փայտով լցուեց և կերակուր էր եփվում այնտեղ: Հիւանդ աղջիկը նստեց անկողնի մէջ, որ կարողանայ տեսնել կրակի բոցը: Իսկ միւս երեսայք շրջապատել էին վառարանի մօտ կանգնած մօրը:

Կերակուրը պատրաստուեց և երեսայք և նոցա մայրը մեծ ախորժակով կերան, որովհետեւ առաւօտից նոցա բերանը մի փշրանք չէր մտել: Ամէնքն էլ նստեցան

յետոյ իրանց գործի. Հռիփսիմէն շարունակում էր իւր կարը, իսկ մայրը գուլպայ գործում:

— Երևի միտը կը գայ փողը. և վայն եկել է մեր գլխին, ասում էր Հռիփսիմէն մօրը: Անցեալ օրն էլ Հարբաժ էր բայց չը մոռացաւ, որ ձեզ մի ռուբլի էր տուել:

— Ի՞նչ անեմ, Հռիփսիմ ջան, եթէ բոլոր փողը ձեռքը գցէի, նա ինձ միայն մի քանի կոպէկ կը տար և մեր ցաւերին ճար չէր լինի: Ոյժս էլ գիտես էլ չէ գալիս, կար չեմ կարողանում անել առաջուան պէս և ոչ լուացք, որ Հօրդ ձեռքին նայելու կարօտութիւն չունենայինք: Ինչ ուզում է անէ, ի՞նչ անեմ, գլուխը քարը:

Աշոտն ու Հիւանդ աղջիկը ուշադրութիւն չէին դարձնում այս խօսակցութեան, բայց Տիգրանը բոլորովին վրդովուել էր: Բայց լիշեւով ուր մայրը կարող է ծեծուիլ, իւր լացը չէր կարողանում պահել:

Երկար քնած էր Հայրը: Օրը մթնել էր և Հռիփսիմէն այժմ մոմի մօտ նստած շարունակում էր իւր կարը: Հիւանդ աղջկայ բունը տալաւ և Աշոտն էլ ննջել էր Հիւանդի անկողնում:

Զարթեց Հարբաժը. առաջ աջ ու ձախ նայեց, յետոյ իւր գրպաններում փնտռեց փողերը և վերջը գայրացած, թէ՛

— Ա՛յ կին, ո՛ւր են փողերը, բեր իսկոյն:

— Փողերը մօտդ են, մեղմ ձայնով պատասխանեց կինը. ինչպէս դրել ես, այնպէս էլ կան:

— Ի՞նչ ես դուքս տալիս, աղաղակեց մարդը շարունակով մանր փողերը, ես թղթադրամներ ունէի. տո՛ւր վեց ռուբլին:

(Սը շարունակուի):

Թարգ. Գ. Տ. Ա.

ԶՈՒԱՐՄԱՆՔ, ՀԱՆՆՈՒԿՆԵՐ, ԽՆԴԻՐՆԵՐ.

Եօթերորդ համարի մէջ գտնուած զուարճալիքների բացատրումները:

- 48) Հարեանիդ մի կով ուզիր, որ Աստուած քեզ երկուսը տայ:
- 49) Լաւ է աչքը դուրս գալ, քան անունը:
- 50) Գողը որ տանից է լինում, եզն երթկովն են քաշում:
- 51) Օձի գլուխը ցաւելիս ճամբի մէջ տեղն է վայր ընկնում:

52) պ. Երուանդ Պալեանցին:

Նախկին դարերից քո քաղած պսակ
Իմ մէջ զարթեցրեց հին հին յիշատակ...
Զօրանաս, Երուանդ, շատ ու շատ ապրես,
Միշտ այդպէս սիրուն պսակներ կազմես:
Աստղերիդ մեծն է մեր դիւցազն Հայկ
Երկրորդը նորա որդին Արմենակ,
Արամայիսն և Ամասիա,
Քաջազն Արամ, գեղեցիկ Արա:
Արդարեւ պսակ, գեղեցիկ սիրուն,
Քաղած աստղերից լուսատու, փայլուն.
Ղ*.

53) Ածուխ:

54)

		Հ		
պ	ա	ր	ա	պ
	տ	ա	տ	
		Հ		
	պ	ա	պ	
կ	ա	ն	ա	դ
		դ		

55) Գիւղացիներից մէկը ունէր հինգ
զաւուր, միւսը—եօթը:

56) 1783—1883 Մ.



Հեղուկ
անհայտ
անհայտ
անհայտ
Բարեկամներ

57) Առաջ. Լ. Մ—Ա.

ԻՄ



ՈՒ




ՔԸ

1

յանեւելի
նոյնանիշը

ՀԱ



Է

Սրդիւնա-
ւէտ բառի
նոյնանիշը

Հ



58) Առաջ. Գէորգեան Ջեմ. ա. լսարանի ուն. Ա. Բաթանեան.



1



Փ






59)



60)



61) (Առաջ Ա ա.)

Հարկաւոր է գտնել 11 այնպիսի բառեր, եւ նոցա դասաւորել այնպէս, որ եթէ թշ կողմից դէպի ցած կարդալու լինինք, դուրս գայ յայտնի բանաստեղծի ազգանունը, իսկ եթէ ձախ կողմից դէպի ցած՝ դուրս գայ նորա յայտնի բանաստեղծութեան վերնագիրը: Այդ բառերը նշանակում են՝

1. Փրանսիայի ծովեզրեայ քաղաք:
2. Երասխի նոյնանիշը:
3. Հրաբլիսային նիւթ:
4. Կոպիտ բառի նոյնանիշը:
5. Որ անուն չունի:
6. Դերանուն:

7. Յունաց նշանաւոր պատգամատեղի:
8. Հայաստանի գետ:
9. Երկստասան մարգարէներէց մինը:
10. Ֆրանսիայի նահանգ:
11. Եգիպտոսի թռչուն:

(62) (Առաջ. Պ. Պալեանի.)

Հայ թագաւորի շքեղ դարպասում
Մի ծաղիկ տեսայ դեռ նոր էր ծաղկում,
Ոչ վարդ էր նա ոչ շուշան մանիշակ
Հայ թագաւորին աչքին լոյս միակ:
Թէ ցանկանում ես ճանաչել նորա
Այս վերջին տողեր մտադիր կարգա:
Առաջին երեք տառերն հայրական
Տանտիկնոջ ձեռին հարկաւոր աման,
Կամ աւազանի ջրից սրբութեան
Կնքահօր հանած անբիծ երեսան:
Թէ չորրորդ տառով կարդաս՝ կփոխուի
Կրկին պիտանի անօթ կլինի.
Իսկ երկրորդ վանկը օտարից առած
Յատուկ է հայոց արքայազն աղջկանց.
Թէ երկրորդ վանկից մի տառը պակսի
Սէր ու միութիւն դաշինք կը կապուի:
Այս ծաղկին շուրջը փառք ու պարծանաց
Չորս հատ թանկագին ակնքեր են շարուած,
Մինն արժէ վաթսուն, վեցհարիւր երկրորդն
Միւսն երեք հարիւր, երկհազար չորրորդն:
Հայոց օրիորդք այս ծաղկիս նման
Աճեցէք, եղէք ազնիւ պատուական:

ԽՄԲԱԴԻՐ—ՀՐԱՏԱՐԱԿՈՂ Ն. ԽՈՍՐՈՎԵԱՆ

Дозволено цензурою. Тифлисъ, 14 Марта 1883 г.

Типография М. Вартамянца и К. Тройнк. пер. № 11.

«Կենդրոնական» և պ. Զ. Գրիգորեանցի «Կովկասեան» Գրա-
վաճառանոցներում ի միջի այլոց վաճառվում են ԱՌԱՔԵԼ
ԲԱՀԱԹՐԻՆԱՆԻ Հետևեալ աշխատութիւնները՝

- | | |
|---|----------|
| 1) Քերականութիւն աշխարհիկ լեզուի | — 25 Կ. |
| 2) Համառօտ գործական Հոգեբանութիւն | 1 Բ. — ” |
| 3) Ուղեցոյց Հայ—ուսուցչի—(Մեթօդիկայ) | 1 ” — ” |
| 4) Այբբենարան—I տարի | — 4 ” |
| 5) Ընթերցարան II տարի | — 20 ” |
| 6) Մանկական պարտեզը կամ ծաղկոցը և նորա նշա-
նակութիւնը | — 5 Կ. |

ՀԱՅՈՒՀԵԱՅ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ ՎԱՐ-
ՉՈՒԹԻԻՆԸ որոշել է առաջիկայ 1883 թուականի Սեպտեմբեր
ամսից ունենալ Հայ օրիորդներից մի որդեգրուհի, Ս. Պետեր-
բուրգում մանկավարժութիւն կամ բժշկականութիւն ուսանե-
լու Համար: Որդեգրուհի լինել ցանկացող անձն աւարտած
պէտք է լինի իւր ուսման դասընթացը ԳԻՄՆԱԶԻՕՆՈՒՄ՝
ՆԱԽԱՊԵՍ ՀԱՅՈՅ ՄԻՋՆԱԿԱՐԳ ՈՒՍՈՒՄՆԱՐԱՆՈՒՄ ԱԻԱՐ-
ՏԵԼՈՒՅ ՅԵՏՈՅ: Այսպիսիք իւրեանց առաջարկութեամբ թող
բարեհաճեն դիմելու վարչութեանը, ներկայացնելով թէ՛ Գիմ-
նազիօնի և թէ՛ Հայոց միջնակարգ Ուսումնարանի Վարչու-
թիւններից ստացած վկայագիրներ:

„ՎԱՐՃԱՐԱՆԻ“ Խմբագրութիւնը, փոխադարձաբար ըն-
դունելով Կ. Պօլսում հրատարակող „ԲՈՒՐԱՍՏԱՆ ՄԱՆ-
ԿԱՆՅ“ մանկական թերթի ԳՈՐԾԱԿԱԼՈՒԹԻՒՆԸ, պատիւ
ունի սորանով յայտնելու, որ բաժանորդ գրուել ցանկացողք
կարող են դիմել Խմբագրութեանս, վճարելով կանխիկ տա-
րեկան ԶՈՐՍ ռուբլի:

Իմ հանգուցեալ եղբայր ԱՌԱՔԵԼ ԲԱԲԱՅԵԱՆ ԲԱ-
 ՀԱԹՐԵԱՆԻ մանրամասն կենսագրութիւնը գրած ունեմ
 հրատարակելու համար: Բայց կամենալով աւելի լիա-
 կատար և մշակուած դուրս բերել, խնդրում եմ բոլոր
 ծանօթներէից և բարեկամներէից՝ անպաշտօն հաղորդել
 ինձ՝ տեղեկութիւններ հանգուցեալի կեանքին և նրա
 հասարակական գործունէութեան վերաբերեալ:
 Հասցէս՝—Шушү, Пиболаю Б. Вагатурьянцъ.
 Նիկոլայ Բ. Բահաթրեան.

Նոր Նախիջևանի և Բեսարաբիոյ Թեմական Դպրանոցի
 տեսչական պաշտօնը թափուր մնալով Պ. Ա. ԲԱՀԱԹՐԵԱՆԻ
 մահուամբը, նոյն Դպրանոցի Հոգաբարձութիւնը խնդրում է
 ցանկացողներին՝ յայտնել Հոգաբարձութեան իւրեանց յոժա-
 րութիւնը՝ յանձն առնուլ այդ պաշտօնը:

Դպրանոցի Տեսչի պարտաւորութիւններն են, իբրեւ նո-
 րա մերձաւոր կառավարող՝ հսկել և պահպանող լինել ներ-
 քին բարեկարգութեան և յառաջագիմութեան՝ նորին՝ ըստ
 ամենայն մասանց (Վանոնադր, Դպր. յօդ. 29):

Դպրանոցի Տեսուչն ընտրի յուսումնական և յարժանա-
 ւոր եկեղեցականաց կամ աշխարհականաց՝ աւարտելոց զըն-
 թացս ուսման Ի ձեմարանի մայր Աթոռոյ Ս. Էջմիածնի կամ
 Ի Բարձրագոյն ուսումնարանս Տէրութեան (յօդ. 30):

Տեսչութեան համար թոշակ սահմանուած է տարեկան
 1800 ռուբլի, բացի ի բնակարանէն և վառելեաց, ևս և
 միոյ առարկայի ուսուցչութեան ոռճկէն, որ ունի ստանալ
 առանձին՝ ըստ թոռոյ դասուցն (յօդ. 31):

Դպրանոցի այլ կանոնաց և դրութեան ծանօթանալ ցան-
 կացողներին կը յուղարկուի նորա տպագիր կանոնադրութիւնը:

Նախագահ Խորհրդոյ Հոգաբարձոս

ՍՈՒՔԻԱՍ ԵՊԻՍԿՈՊՈՍ